

Sehla sa ho faela sa batho ka bomong mmoho le dithraste sa 2023

Tshwane, 23 Phuptjane 2023 - Ho bapa le maikemisetso a mawala a Ditshebeletso tsa Lekgetho tsa Afrika Borwa (SARS) a ho nolofaletsa balefalekgetho boitlamo ba bona ba molao, batho ka bomong ba bona (balefalekgetho ba nakwana le bao e seng ba nakwana) mmoho le dithraste ba ka qala ho faela dikgutliso tsa bona tsa lekgetho la lekeno ka Labohlano la 7 Phupu 2023 **ka mora 8pm**.

Khomishenara ya SARS Mong. Edward Kieswetter o itse. "Ho nyehelwa ha dikgutliso tse nepahetseng tsa lekgetho la lekeno ka nako ho bohlokwa hore ho tle ho be le sehla sa ho faela se hlokanang ditshitiso. Monogwaha, balefalekgetho ba tlameha **ho jara boikarabelo ba merero ya bona ya lekgetho** ho netefatsa hore ba dula ba fadimehetse boitlamo ba bona ba ho dula ba ntse ba ikobela tefo ya lekgetho."

"SARS e tswela pele ho sebedisa theknoloji e dumellang dintho hore di etsahale, tshebediso e eketsehileng ya data, boithuto ba metjhine bo ntlafaditsweng, manollo ya dipalopalo le bohlae ba maiketsetso. Re boetse re ntse re tswela pele ho ba le kgatelopele dintlheng tse fapaneng tsa onlaene le ditshebeletsong tseo ho tsona re kopanang le balefalakegtho ka seqo ka thuso ya ho tsetela bathong ba rona. Dintlafatso tse na tse dumellang dintho hore di etsahale mmoho le dintlafatso ho tsa tshebeletso di reretswe ho nnetefatsa hore ho se be le tlhokeho ya hore batho ba re etele le ho ema meleng e melelele diofising tsa SARS," ho rialo Mong. Kieswetter.

Ka lebaka la dintlafatso tse na tse mabapi le tshebeletso e dumellang dintho hore di etsahale:

AUTO-ASSESSMENT

1. Ho tloha ka Labohlano la 30 Phuptjane, SARS e tla buisana ka kotloloho le balefalekgetho ba kgethilweng ka SMS ho ba tsebisa ka dihlahobo tsa bona tsa othomathiki.
2. Balefalekgetho ba ka fihella hlahlobo ya othomathiki ka tshebediso ya dikanale dife kapa dife tsa SARS, tse kang SARS MobiApp kapa SARS eFiling, ho lekola botjha le ho nnetefatsa ho phethelwa le ho nepahala ha lesedi le bakileng hlahlobo ya othomathiki.
3. Molefalekgetho ya kgethetsweng hlahlobo ya othomathiki, a ka ikgethela ho ananela sephetho sa hlahlobo ntle le ho etsa ditokiso, kapa ebang seo se hlokeha, a ka ikgethela ho etsa ditokiso tsebahatsong eo ya hae le ho boela a e nyehela hape mmoho le ditokomane tse hlokehang tsa tshehetso.
 - o **Balefalekgetho ba anelang sephetho sa hlahlobo** ntle le ditokiso mme ba le monyetleng wa ho fumana pusetso, ba tla e fumana ka kotloloho diakhaontong tsa bona tsa banka nakong ya dihora tse 72 ka mora hore ba fumane tsebiso;
 - o **Balefalekgetho ba fanang ka tsebahatso e lokisitsweng** ba tla hlahlojwa ho latela nyehelo ena ya bona hape. Ho ka nna ha fanwa ka hlahlobo e nngwe e lekotsweng botjha ho latela ka moo ho hlahlositsweng ka teng ka tlase mona. Ebang ho na le tjehelete e kolotuwang SARS, yona e tlameha ho leshwa Akhaontong ya Banka ya SARS, ka eFiling kapa ka tsela ya MobiApp ho latela letsatsi le boletsweng.
4. Ebang balefalekgetho ba kgotsofaditswe ke hlahlobo ena ya bona ya othomathiki, ha ba lokela ho etsa letho hobane motjha ona o fella hona mona.

5. SARS e ipiletsa ho balefalekgetho ba kgethetsweng hlahlobo ya othomathiki ho ba le mamello le **ho se etele makala afe kapa afe a rona** kapa **ho letsetsa Contact Centre** ya rona ho botsa ka tswelopele ya dihlahlobo tsa bona. SARS ka boyona e tla dula e buisana le balefalekgetho bana.

HO FAELWA HA TSHEBAHATSO

Balefalekgetho bohle ba fanang ka tsebahatso e lokisitsweng, kapa ba faelang tsebahatso ka tsela ya tlwaelo, ba ka faela tsebahatso e jwalo mmoho le lesedi lefe kapa lefe la tshchetso kapa la tlatsetso ka tshebediso ya SARS eFiling. Bakeng sa balefalekgetho ba welang sehlopheng sa dihlahlobo tsa othomathiki, SARS e tla sebetsana le kgutliso mme e fane ka hlahlobo e lekotsweng botjha, mme sena se ka baka boitlamo ba ditjhelete bo fapaneng bo kang pusetso e fokotsehileng, pusetso e eketsehileng kapa tefo e kolotuwang SARS. Balefalekgetho bohle ba bang ba tla fumana hlahlobo.

Moo ebang balefalekgetho ba teanang le mathata afe kapa afe mabapi le ho faela dikgutliso tsa bona ka tsela ya e-Filing kapa SARS Mobi-App, ba tlameha hore ba pele ba etse tlhophiso ya kopano lekaleng.

Ho boelwa ho fanwa ka tlhakisetso dintlheng tse ding tse mmalwa:

Dingongoreho le boipiletso: Ebang o sa dumellane le hlahlobo e lekotsweng botjha, molefalekgetho a ka qala ka ngongoreho ka ho latela metjha ya tlwaelo ya ngongoreho ya SARS.

Balefalekgetho bao e seng ba nakwana ba sa fumanang hlahlobo ya othomathiki mme ho hlokeha hore ba faele kgutliso ba ka etsa jwalo ho tloha ka la 7 Phupu 2023 **ka mora 8pm** ho fihlela ka la 23 Mphalane 2023.

Ebang lesedi le ka hara kgutliso e le la selemo sa jwale mme le nepahetse, transekshene ena e keke ya nka nako e fetang disekonto tse 10. SARS e ananela maiteko a balefalekgetho a ho etsa hore merero ya bona ya lekgetho e be maemong a boikobelo. SARS e tla tsitlallela ho sebetsa mmoho le balefalekgetho bana ba tla beng ba faela dikgutliso tse morao tsa dilemo tse fetileng mme e ipiletsa hore ba be le mamello le kutlwisiso.

Dinyehelo tsa dikgutliso tsa balefalekgetho ba nakwana mmoho le tsa Dithraste di ka qala ho tloha ka la 7 Phupu 2023 **ka mora 8 boisu** ho fihlela ka la 23 Pherekong 2024.

Balefalekgetho ba sa kgethelwang hlahlobo ya othomathiki ba koptjwa hore ba emele imeile le SMS mme ba se etele makala a SARS ka beke ya pele ho la 7 Phupu 2023.

Mong. Kieswetter o boletse hore ho tsebiswa ha mokgwa wa dihlahlobo tsa othomathiki, ke o mong wa mekgwa e mengata ya ho ntlafatsa tsela ya ho faela mme ke bopaki ba boitlamo ba SARS ba ho aha tshebeletso ya pokello ya lekgetho e bohlale ya sekwalejwale eo botshepehi ba yona bo sa belaelweng, e tlang ho hlomphelele le ho tlotlwa ke bohle. Ka ho phethahatsa tshebeletso ena ya bohlokwa, SARS e thusa kahong ya mmuso o kgonang ho tobana le ditlhoko tsa setjhaba le tsa ntshetsopole ya ikonomi ya naha le batho ba yona - Tshebetso e intshang Sehlabelo ya SARS.

Hwa bohlokwa, tshebediso ya theknoloji le data e ntlafaditse bokgoni ba SARS ba ho tjhorisa le ho ntlafatsa mehlodi ya yona ho fokisa diketso tsa ho se ikobele tefo ya lekgetho. Balefalekgetho ba se fetise ditshenyehelo tsa bona mme ba qobe ho se tsebahatse lekeno la bona lohle ka sepheo sa ho fumana dipusetso tse sa dumellehang hobane sena se tla etsa hore molefalekgetho a fumanwe a le molato wa boqhekanyetsi.

SARS e tla thatafalletsa le ho etsa hore ditjeo e be tse hodimo bakeng sa balefalekgetho ba ikemiseditseng ho tseka ditshenyehelo tse sa dumellehang kapa ba sa tsebahatseng lekeno la bona lohle, ka ho ba jarisa dikotlo tse boima. Hodima moo, ho tla ba le dikotlo tsa taolo tse mabapi le ho se ikobele tefo ya lekgetho bakeng sa balefalekgetho bao ba sa ikamahanyeng le matsatsi a makgaolakang a amanang le Sehla sena sa ho Faela.

Monongwaha SARS e tla dumella balefalekgetho ba sa dumellaneng le sephetho sa hlahlobo ya othomathiki, ho faela kgutliso e lokisitsweng ho fihlela mafelong a tlwaelehileng a sehla sa ho faela, e leng la 23 Mphalane 2023. Ena ke phetoho ho tswa matsatsing a 40 a neng a dumelletswe ngwahola.

SARS e bile le dipuisano le mekgatlo e fapaneng, ho akareditswe le Mekgatlo ya Taolo e Ananetsweng (RCBs) ho tjhorisa mokgwatshebetso. Sena se etswa ka kutlwisiso ya hore SARS e sebetsa mmoho le, le ka bolekaneng ho netefatsa hore balefalekgetho ba kgontshwa ho ikobela boitlamo ba bona ba molao ka tsela e sebetsang hantle le ho feta.

SARS e lakatsa ho leboha beng ba mesebetsi le bafani ba data ba mekga ya boraro ba ileng ba hlompha letsatsi la ho qetela la 31 Motsheanong 2023. Mohato ona o tla kgontsha basebetsi ho ba le ditransekeshene tse hlokang ditshitiso le tse bonolo le SARS. Beng ba mesebetsi le mekga ya boraro e sa ikobeleng tefo ya lekgetho ba thatafalletsa basebetsi ba bona dintho ka nako eo ba etsang ditransekeshene le SARS mme ba tla salwa morao ka lebaka la ho se ikamahanye le molao.

DITLHOPHISO TSA KOPANO MAKALENG

Balefalekgetho ba lakatsang ho etela makala a SARS ba tlameha ho etsa tlhophiso ya kopano pele. Ba ka etsa sena tjena:

- Ka ho romela SMS ho 47277 (iSARS) ka mokgwa ona o latelang: *Booking (Space) ID number/Passport number*.
- Ka ho letsetsa *134*7277# mahala diselfounung tsa bona le ho kgetha *eBooking*.
- Ka ho leba websaeteng ya SARS le ho tobetsa hodima letshwao le reng “Book an Appointment”. Ka ho tlatsa foromo ya onlaene.

Ho fumana lesedi le fetang lena, ka kopo ikopanye le SARSMedia@sars.gov.za

#FilingSeason2023 #YourTaxMatters – www.sars.gov.za

#YourTaxMatters

KE PHETHO